

No. 976. 1442. 21. Nov.

*Kurf. Friedrich II. und Wilhelm, Herzoge zu Sachsen versprechen den Brüdern Otto und Hans Spigel, wenn sie der mit dem Domcapitel getroffenen Verabredung gemäss 3 Schock Groschen jährl. Zinsen zu einem Jahrgedächtniss des verstorb. Obermarschalls Cunrad von Stein von ihnen lehnspflichtigen Gütern kaufen, diese dem Hochstifte zu diesem Zwecke zu überlassen.*

Wir Friderich vnd Wilhelm gebrudere von gotes gnaden herczogen zcu Sachssen, lanntgrauen in Doringen vnd maregrauen zcu Missen bekennen — das vor vnns sind komen vnnsere lieben getruwen Otte vnd Hanns Spigele gebrudere vnd haben vns erzalt, wie das sie mit ern Cunrad vom Stein seligen etwanne vnnsrem obermarschalk, diewiile er noch am leben sii gewest, in sunder liebe vnd fruntschafft gewest weren, vnd in grossem getruwen, das er in hette beuolhen siner sele selikeit noch sinem tode zuuorsorgen, ein sollichs sie im danne zû thûne glaublich zcu gesaget hetten, vnd als nu von gots geschicke der gnante er Cunrad von todes wegen abe were gangen vnd sein lichnam in der heubtkirchen zcu Missen zcu der erden bestat, zcu derselben kirchen sie danne besondere zeuncygunge hetten vnd sich dorumb mit den wirdigen vnnsrem lieben andechtigen thûmprobst, techannd vnd capitell der vorgnanten kirchen vereynt vnd vertragen, also das sie drye nuwe schock Missener grosschen ewiger iartzinse vff gutern in vnnsrem furstenthumb gelegen keuffen sollen, vnd von denselben iartzinßen, alsferre yn die von vns, ab sie zculehen von vns gingen, geeeygent mochten werden, des obgnanten ern Cunrads iartag mit vigilien vnd selmessen noch gewonheit desselben stifts ierlichen begeen, vnd was solliche hieuorgnante drye nuwe schock ierlicher zeinse gesteen wurden, darumbe wolten vnd solten in die vorgnanten Otte vnd Hanns Spigel genugliche vsrichtung thun, vnd haben vns mit demütigem flies gebeten, den vorgnanten thumprobste, techannd vnd capitell, vff das der vorgeschrebenne iartag furgang gewunne, vnnsere zeusagunge zeuthûn, wo sie also gütere oder zeinße in vnnsrem fürstenthumb zu dem vorgerurten iartage keufften, die von vns zculehen gingen, das wir danne yn vnd der genanten kirchen zcu Missen eygen wolten. Des haben wir eygentlich bedacht große mergliche dienste, die vns der gnante er Cunrad seliger diewyle er am leben was, auch die obgnanten Otte vnd Hanns Spigele gethan haben, dorynne auch angesehen den wirdigen stift, dorumbe zcu troste vnd hilffe ern Cunrads seligen sele vnd merunge gots dinste in dem gnanten stift, vnd dorumbe den obgnanten thumprobste, techannd vnd capitell des vilgnanten stifts zugesaget vnd sagen auch yn zcu inkrafft dits briues sollich sognante drye nuwe schock grosschen iartzinße, die sie an zeinßen oder gutern in vnnsrem furstenthumb vnd die von vns zulehen ruren keuffen vnd wir des ermand werden, inmassen als hieuorbegriffen ist, zcu eygen, vnd sollen vnd wollen yn auch genugliche vorschribunge doruber geben, also das sie vnd die gnante kirche bie sollichen vereigenten zeinsen vnd gutern in ewikeit blieben, vnd der iartag gehalten werde ane geuerde. Des zcu warer orkund haben wir herezog Friderich vnnsrer ingesigel fur vns, vnnsrem lieben bruder